



**Adnotationes || Et Meditationes || In Evangelia Qvae || In
Sacrosancto Mis-||sae Sacrificio || Toto Anno || Legvntvr;||**

Nadal, Gerónimo
Antuerpiæ, M. D. XCV.

Feria II.

[urn:nbn:de:hbz:466:1-78158](https://nbn-resolving.org/urn:nbn:de:hbz:466:1-78158)

⁹⁶FERIA SECUNDA POST PRIMAM DOMINICAM QUADRAGESIMÆ.

Iudicium vniuersale.

MATTH. XXV.

ANNO XXXIII.

In xxvij. imaginem adnotatiuncula.

xxvij.
99.

- | | |
|--|---|
| A. <i>I E S V S in throno gloriæ sedens iudicium exercet.</i> | I. <i>Ministerio Angelorum, & Imperio Christi boni a malis separantur.</i> |
| B. <i>Celi, planete, & stelle longè illustrioris quàm antea.</i> | K. <i>Boni audiunt à Christo, Venite benedicti &c.</i> |
| C. <i>Circumstant I E S V M omnes Angelorum ordines.</i> | <i>Mali, ut maledicti.</i> |
| D. <i>Affidet filio virgo Mater, & suo gradu electi omnes.</i> | L. <i>Inferni horrendum os apertum damnatos cum Diabolis deuorat.</i> |
| E. <i>Elementa noua, purissimum & liquidissimum ignis elementum.</i> | M. <i>Peractio iudicia Christi intelligitur ascendere in Emphyreum calum, cum Angelis & sanctis omnibus regnatura in æternum.</i> |
| F. <i>Aeris lucidum, amœnum, pacatissimum, nulla regionum diuersitate.</i> | |
| G. <i>Aqua purgatissimum, clarum, tranquillum.</i> | |
| H. <i>Terra purum ac simplex, omnibus tum natura, tum</i> | |

EVANGELIUM MISSÆ.

MATTH. XXV.

CVM autē^a venerit filius hominis in ^{b e f g h} maiestate sua, & omnes^c Angeli cum eo: tunc sedebit ^d super sedem maiestatis suæ, & congregabuntur ante eum omnes gentes, & separabit eos ab inuicē, sicut pascor segregat oves ab hœdis: & statuet oves quidem à dextris suis, hœdos autē à sinistris. Tunc dicet Rex his qui à dextris eius erūt: Venite benedicti patris mei, possidete paratū vobis regnū à constitutione mundi. Esuriui enim, & dedistis mihi manducare: sitiui, & dedistis mihi bibere: hospes eram, & collegistis me: nudus, & operuistis me: infirmus, & visitastis me: in carcere eram, & venistis ad me. Tunc respondebunt ei iusti, dicentes: Domine, quando te vidimus esuriētem, & pavimus: sitientē, & dedimus tibi potum? Quando autem te vidimus hospitem, & collegimus te: aut nudum, & cooperuimus te? aut quando te vidimus infirmum, aut in carcere, & venimus ad te? Et respondens Rex dicet illis: Amen dico vobis, quamdiu fecistis vni de his fratribus meis minimis, mihi fecistis. Tunc dicet & his qui à sinistris erunt: Discedite à me maledicti in ignē æternū, qui paratus est Diabolo & Angelis eius. Esuriui enim, & non dedistis mihi manducare: sitiui, & non dedistis mihi potum: hospes erā, & non collegistis me: nudus, & non operuistis me: infirmus, & in carcere, & non visitastis me. Tunc respondebunt ei & ipsi, dicentes: Domine, quādo te vidimus esuriētem, aut sitientē, aut hospitem, aut nudum, aut infirmum, aut in carcere, & non ministrauimus tibi? Tunc respondebit illis dicens: Amen dico vobis, quamdiu non fecistis vni de minoribus his, nec mihi fecistis. Et ibunt hi inⁱ supplicium æternum: iusti autem inⁱⁱ vitam æternam.

ADNO-

ADNOTATIO.

Prima imago, quæ prima Dominica Adventus facta est, ad illa attinet quæ Iudicium universale proxime precedent: hæc ad ea quæ erunt coniuncta cum ipso Iudicio. Illic venit ad iudicandos vivos & mortuos Christus: hic sedet in Iudicio. Illic mittit Angelos ad ministerium resurrectionis, moriuntur, resurgunt, adducuntur in vallem Josaphat homines: hic omnes iam resurrexerunt à mortuis, & sunt ante Christum ad thronum maiestatis eius congregati. Illic minantur omnes creature mortalibus, malis præfertim: hic illarum minarum est finis. Exercetur vero iudicium in malos horrendum, in bonos suavisimum. Denique ignis incendio, qui præcedet Christum, totus orbis, & opera eius confla-
grasse, & purgata esse omnia intelliguntur; aliud nihil remanere, quam calos, elementa, homines, Demones, hos in Infernum detrudendos, illos iudicandos, vel in vitam æternam, vel in æternam ignem.

A. IESVM contemplare in nubibus cali, & throno gloria maiestatis sue sedentem, iudicium exercentem, aperientem libros ubi acta singulorum hominum conscripta erunt. Hæc enim omnia sicut palmam hominibus omnibus, Angelis, Demonibus. Disceptatio contra malos præcipue agitur: ergebunt Demones damnationem, Angelis testimonium contra eos ferent. Christus supra quam dici potest in illos se iratum ostendet, separabuntur à bonis mali, erit teterrima ipsorum calamitas & desperatio. Contra verò bonorum erit diversa ratio iudicii: benignissime cum ipsis Christusaget, probans eorum benefacta & laudās. Angeli præclarum dabunt testimonium, Demones repellentur: erit speciosissima & iucundissima horum iudicii facies. Tandem, etiam subrepticissime, omne est consummandū iudicium: feret sententiam Christus, ut mali in igne cant & supplicium æternum, in gloriam boni & vitam æternam: illi cum horrendo Lucifero & eius afflicti Demonibus omnibus; hi cum Christo, & sanctis omnibus, & Angelis eius triumphantes.

B. Cali undecim, septem videlicet Planetarum, octauum stellarum fixarum, nonum mobile primum, decimum crystallinum calum, ultimum empyreum, Regia Dei & Beatorum. Nul-
lum quidem calum purgabitur igne conflagrationis, sed tamen omnium augebitur splendor vehementer. Sol enim septuplo erit clarior, id est longe quam antea unquam splendidior: sua inde proportionem Luna, & planeta alij, omnes stellæ

erunt fulgentiores. Accedet gloriosum lumen celo empyreo à corpore Christi & virginis Mariæ, paulo post etiam Beatorum. Erit enim calum planè dignitate, & gloria, & splendore novum.

C. Circumstant Christum Seraphim superne ad latera Cherubim, sub pedibus Throni, aliorum ordinum Angeli alij assistunt, alij subseruiunt Iudicii actioni.

D. Assidet Christo Ioannes Baptista, & Apostoli, & omnes qui propter regnum celorum perfectionem vitæ, & consilia Christi sectati fuerint. Hi enim sedebunt quasi Iudices assessores cum ingenti honore. Supra omnes assidebit Iudici filio, Iudex ipsa primaria virgo mater Maria.

E. Ignis elementum, non iam minax ut antea, sed igne etiam conflagrationis purgatum, splendidius, placida flammis vibrans quietissima.

F. Aer lucidus, amarus, pacatissimus, nulla diuisus regionum diuersitate, absque omni volueri.

G. Aquæ elementum ut vitrum purgatissimum, clarum, tranquillum, sine piscibus.

H. Terra crystalli similis, saxi, arboribus, & herbis omnibus, & virgultis nudata, omni metallo leuata, omni viuentem liberata, nondum tamen hominibus. Terra enim, & eius omnia opera igne excurda sunt: existet verò ipsa pura, nitida, quasi exultans, ut ab omni corruptione libera.

I. Vide Angelorum ministerio, ex Imperio Christi IESV separari bonos à malis: illos rapti in æra ad dexteram Christi: alios detrudi in ignem paratum, ubi iam ardebunt Demones omnes.

K. Illi audiunt: Venite benedicti Patris mei, possidete paratum vobis Regnum à constitutione mundi. Contra hi, Ite maledicti in ignem æternum.

L. Terra apertum os horrendum, ingens, tartarus hians ignem & tenebras eructat: coniunguntur verò inferni flammæ cum igne conflagrationis. Hic est omni spurcitia, & excrementis orbis purgatione contractis contaminatus & horrendus. In hunc ignem & baratrum coni-
ciuntur Demones primum, deinde mali homines. Ignem præterea considera cum damnatis hominibus & Demonibus, in centrum terræ, & locum Inferni proprium præcipitandum, claudendam terram. Illic absque ulla vel Dei, vel
I Sanctorum,

Sanctorum, vel Angelorum misericordia, ablata omni spe venie, in æternum cruciados cum teterimis Dæmonibus infelicitissimos homines.

M. Simul illud considerandum, quemadmodum peracto omni iudicio, ad calu cum Matre Maria Virgine, cum Angelis & Sanctis omnibus, gloriosissimo triumpho, ascendat Christus IESVS, regnaturus cum Patre & Spiritu

sancto in secula seculorum. Nec creatum aliud quicquam tandem remanebit, quam Infernus cum Diabolis & damnatis hominibus: Limbus puerorum, assumptis ex resurrectione corporibus (ad quos nihil planè eorū quæ diximus pertinebit: quatuor elementa, Cali, Angeli, & beati homines, paradysus celestis.

MEDITATIO.

Vtilem in primis viam mortalibus Deus proposuit ad salutem fratres, hinc meriti, inde spem; ut ille ad hanc nos propellat, & quod acrior metus sit, eò vehementius ad spem, & virtutis amorem & exercitium compellamur. En vobis, fratres, ostendit antea Deus signa horrenda, quæ præcedent iudiciū vniuersale orbis terrarum; nunc ita conterritos, & in angustias extremas compulso mortales statuit ante Iudicem Christum, Deum omnipotentem, iratum. Vbi apparere audebis o homo, etiam si nil tibi conscius fueris, si tamen non fueris? Vbi verò qui malitia & vitij erunt contaminati? Calum hinc erit apertum, illinc Infernus: è Cælo gloria sempiterna lætam futurorum bonorum significationem exhibebit, Inferni os immane, horrendum, conspicietur apertum, flammæ cruciæ tartareas. Quid hinc facies o homo? summum putabas præcedentem terrorem eorum quæ vidisti veniente Christo ad iudiciū; at longè hinc est maior, quem incutiet Christus ex throno maiestatis suæ. Illi terrores erant nuncij huius horridi & extremi iudicij. Illic creaturæ minantur, Creator etiam ipse, nihil tamen adhuc aliud quàm iratus comminatur: hinc verò furore suo excandescens, nec tantum minantem conspiciamus Creatorem ipsum filium Dei omnipotentis, Deum ipsum omnipotentem, & coeternum Patri, sed etiam separantem iam bonos à malis, & ferentem extremi iudicij perpetuam sententiam, ut illi in Paradysum eant, hi in æternum Inferni ignem cum teterimis Dæmonibus

contradantur. Si credis hæc, ut credis, contende ut ne fiat fides tua speculatiua solum; quod non est, nec esse debet: ex qua scilicet nihil moueatur cor tuum, nihil sensus tui interiores, nihil spiritus, sed adnitere ut practica sit fides, qualis est, & esse omnibus debet, ut his rebus representatis & creditis, moueatis acriter ad timorem primum, etiam seruilem, qui vilis esse & solet, & potest, inde in spem erigaris, vnde ad charitatem progressum facias, & sanctum Dei timorem. Cor tuum ardeat amore in Deum & proximum, sensus interiores intenti sint ad gloriam electis representatam, ad eam te recipias, ad Christum, ad Sanctorum in aëra societatem te aggredes, ut Spiritus Christi IESV bonitate & misericordia fruatis in iucunditate Dei. Magnam verò existimate fratres confusionem, & animæ detrimentum, si ad hæc Dei iudicia per socordiam non timeatis: ita enim reputabimini Dæmonibus ipsis esse in hac parte stupidiore. Hi enim credunt & contremiscunt, nec portant aduersum se execrabile iudicium: mouentur tamen, non ad salutem, sed ad desperationem & impatientiam, & Dei blasphemiam, & eius iustitiæ detestationem. At nos contra, vbi tempus habemus, vbi clausa nobis non est ianua (ut Diabolo & asseclis eius) ad tantam salutem & perfectionem animarum nostrarum, quæ nobis per hæc mysteria & terrores Dei offertur, per timorem, per spem, per charitatem, per bona & sancta opera festinemus ad meliora continenter, & ad perfectiora contendamus in Christo IESV Domino nostro.

FERIA